

SELAMANYA BERTAHTA DI JIWA

(Belangsungkawa buat Allahyarham Dr. Mohd Sharif Mohd Saad)

Selamat pulang ke rumah abadi sahabat
mungkin tuan telah terlalu penat
di simpang siur yang tidak pernah
memberimu rehat, dan padamu
ianya tugas terpenting yang harus
diselesaikan untuk kami yang terlalu
sibuk di dunia sendiri.

Walau berapa banyak keringatmu tumpah
bagimu ianya masih belum cukup
dan dikau bergegas dari satu daerah
ke satu daerah yang memberimu seluruh
penghidupan dengan segala kudratmu
bernafas dengan jiwa cekal
berfikir untuk kesejahteraan semua
ilmumu mekar di rimba kesantunan
menumbuhkan kebijaksanaan
memberikan pengharapan
kamilah anak-anak didikmu
melata di seluruh negara.

Telah kau tulis segalanya
tentang literasi maklumat
anak-anak kecil di pendalaman
yang dijiwanya kemarau ilmu
kau teduhi mereka dengan segala
yang kau tahu
kami doakan ia menjadi tuaian harum
kelak mewangikan amalanmu di sana
kami yang masih tinggal di sini tidak akan lupa
menghantar doa-doa putih dan lantunan zikir kasturi ke langit

Kamal Sujak

baik budimu bertakhta selamanya
di jiwa kami, di jiwa mereka
yang mengerti perjuanganmu
tidak ternoktah di sini.

KAMAL SUJAK
Universiti Multimedia
6 Januari 2014